

112

15. sept.

**AUGLÝSING**

um söluskatt af radartækjum og dýptarmælum.

Samkvæmt heimild í 6. gr. laga nr. 43 1948, um breyting á lögum nr. 128 1947, um dýrtíðarráðstafanir, hefur ráðuneytið ákveðið, að radartæki, dýptarmælar, pappír og aðrir varahlutir til þessara tækja skuli undanþegnir 1½% söluskatti af smásölu, samkvæmt 2. tölulið 42. gr. laga nr. 128 1947, um dýrtíðarráðstafanir.

*Fjármálaráðuneytið, 15. september 1948.*

**Jóhann Þ. Jósefsson.**

*Magnús Gíslason.*

113

16. sept.

**AUGLÝSING**

um breyting á gjaldskrá fyrir Rafveitu Keflavíkur, nr. 148 4. nóvember 1946.

Stafliður D. 2. b. í I. kafla gjaldskrárinnar orðist svo:

Að notandi setji klukkurofa á sinn kostnað fyrir hitalögnina, sem rafveitan ein hafi aðgang að.

Gjaldskrárbreyting þessi staðfestist hér með samkvæmt raforkulögum nr. 12 2. apríl 1946, til þess að öðlast þegar gildi og birtist til eftirbreytni öllum þeim, sem hlut eiga að máli.

*Atvinnumálaráðuneytið, 16. september 1948.*

**Bjarni Ásgeirsson.**

*Þorv. K. Þorsteinsson.*

114

20. sept.

**GJALDSKRÁ**

fyrir dýralækna.

Samkvæmt lögum nr. 124 22. desember 1947, um dýralækna, er hér með sett eftirfarandi gjaldskrá fyrir dýralækna, að því leyti sem ekki er ákveðið gjald fyrir störf þeirra með öðrum lögum eða fyrirmælum:

**I. KAFLI**

Viðtöl og rannsóknir.

1. gr.

A. Ekkert gjald:

1. Hlýtt á eða athuguð sjúkdómslýsing.
2. Viðtal í síma.

B. Gjald kr. 2.00:

1. Skrifaður lyfseðill með viðtali og ráðleggingu.
2. Hlustun.

3. Rannsakaður hreyfanleiki liða.
  4. Þvagrannsókn.
  5. Einföld ástunga í útvortis ígerð.
  6. Rannsókn á jógri.
  7. Annað tilsvarendi.
- C. Gjald kr. 3.00:
1. Tekið þvag.
  2. Tekið blóð.
  3. Einföld smásjárskoðun.
  4. Rannsókn á saur.
  5. Rannsókn á holti.
  6. Fósturrannsókn (kýr, hryssa).
  7. Venjuleg rannsókn á grip og ráðlegging.
  8. Annað tilsvarendi.
- D. Gjald kr. 10.00:
1. Almenn skoðun og heilbrigðisvottorð vegna sölu á grip.
  2. Skrifleg skýrsla um sjúkdóm að undangenginni rannsókn.
  3. Annað tilsvarendi.
- E. 1. Berklaskoðun, kýr, (tuberkulin). Fyrir 5 fyrstu gripina kr. 4.00 fyrir hvern grip, en kr. 2.00 fyrir hvern grip, sem fram yfir er.
- F. 1. Krufning á stórgrip kr. 10.00.  
2. Krufning á smærri dýrum kr. 2.00.  
3. Krufning með skriflegri rökstuddri greinargerð kr. 15.00.
- G. Fyrir skoðun á hrossum á útskipunarhöfn vegna sölu til útlanda eða fyrir skoðun á marköðum: kr. 1.50 fyrir hvert hross, enda sé heilbrigðis- og aldursvottorð látið af hendi, sé þess óskað.

## 2. gr.

- a. Nú hefur rannsókn verulegan aukakostnað í för með sér, t. d. fyrir sérstaklega aðkeypt efni, önnur en venjuleg efni til rannsókna og ber þá dýralækni aukreitís gjald fyrir það, þó aldrei meira en lyfjabúðarverð fyrir lyfjavörur, en raunverulegt kostnaðarverð fyrir annað.
- b. Nú er einhver rannsókn ekki við hæfi héraðsdýralæknis, og fær hann annan dýralækni eða rannsóknarstofu til að leysa hana af hendi, ber þá að gjalda honum það, sem honum er gert að greiða fyrir rannsóknina, ásamt kostnaði við útvegun hennar.
- c. Fyrir endurtekna rannsókn á sama sjúkdómi komi hálf gjald.
- d. Fyrir rannsókn vegna fleiri sjúklinga en eins í einu komi fullt gjald fyrir einn sjúkling, en hálf gjald fyrir hina.
- e. Nú þykir dýralækni eða heilbrigðisstjórn ástæða til vegna smithættu, að rannsaka fleiri gripi á heimilinu eða í grenndinni, eða hann fréttir um grunsama dæma sjúkdóma, skal honum þá greiða af opinberu fé samkvæmt IV. kafla gjaldskrárinnar.
- f. Þegar dýralæknir skoðar kýr fyrir mjólkurbú eða mjólkursamsölu, skal hann sjálfur sjá sér fyrir farkosti og gistingu, honum ber og að gefa viðkomandi mjólkurbúi eða mjólkursamsölu skýrslu um fjós, fóðrun, hirðingu, jógur, salerni og, ef óskað er, hirðingu mjólkurinnar, mjólkurilátanna og mjaltavéla, einnig um kælihús og kæliútbúnað, samkvæmt fyrirsögn yfirdýralæknis. Fyrir skoðunina og skýrslugerð ber viðkomandi mjólkurbúi eða mjólkursamsölu að greiða honum tvær krónur fyrir hverja kú, sem hann skoðar.
- g. Nú eru hross skoðuð á útskipunarhöfn, sem áður hafa verið skoðuð af dýralækni á markaðsstað og skal þá eigi greitt nema hálf gjald fyrir skoðunina.

## II. KAFLI

## Aðgerðir.

## 3. gr.

- A. Smærri aðgerðir. Gjald kr. 3.00:
1. Búið um minni háttar sár.
  2. Lyfjum dælt í hold eða æð.
  3. Lyfjum dreypt í, eða þau borin í auga eða hlustir.
  4. Skoluð leggöng, leghol, þarfagangur, þvagblaðra eða magi.
  5. Tekin flis úr holdi eða aðskotahlutir úr opum líkamans.
  6. Skafin sár og fistlar.
  7. Búið um beinbrot, minni dýr.
  8. Sorfnar tennur.
  9. Notkun magarörs.
  10. Stungið í kýli.
  11. Opnað blóðkýli.
  12. Fæðingarhjálp, minni dýr.
  13. Gelding (gris, hundur, köttur).
  14. Annað tilsvarendi.
- B. Minniháttar aðgerðir. Gjald kr. 5.00:
1. Teknar hylðir.
  2. Kreistur eggjastokkur.
  3. Uppskurður á spena.
  4. Stífla losuð úr vélinda.
  5. Kýr loftdæld við doða.
  6. Lagað skeiðarsig.
  7. Skorin upp þvagrás (minni dýr).
  8. Tálguð upp naglstunga eða stig.
  9. Fæðingarhjálp (stórgripa, létt, og smærri dýra, erfið).
  10. Lyfjum dælt í júgur.
  11. Annað tilsvarendi.
- C. Meiri háttar aðgerðir. Gjald kr. 10.00:
1. Grip kastað og hann svæfður eða deyfður.
  2. Gelding (hestur eða naut).
  3. Spengdur klaufarhófur.
  4. Meiti háttar aðgerðir á sárum.
  5. Annað tilsvarendi.
- D. Aðrar meiriháttar aðgerðir. Gjald kr. 15.00:
1. Tekin stór útvortis æxli.
  2. Skorið til steins eða aðskotahlutar í þvagrás.
  3. Meiriháttar fæðingaraðgerðir.
  4. Fyrir aðgerð á helti:
    - a. Brennt fyrir spatti.
    - b. Saumað vöðvasár.
    - c. Settur kerri í sinasliður, lið eða sár.
  5. Leg sett inn.
  6. Aflimanir.
  7. Annað tilsvarendi.
- E. Miklar aðgerðir. Gjald kr. 20.00:
1. Kviðslitsskurður.
  2. Fæðingarhjálp stórgripa, limun eða legsnurða.

3. Skorinn stærri strengur úr hesti.

4. Annað tilsvarendi.

F. Mestu aðgerðir. Gjald kr. 40.00:

1. Geltur laungraður hestur og annað tilsvarendi.

4. gr.

- a. Nú eru tvær eða fleiri skýrt aðgreindar aðgerðir gerðar á sama grip og kemur þá fullt gjald fyrir eina aðgerðina (þá, sem hæst er metin), en hálf gjald fyrir hinar.
- b. Fyrir umbúðir, lyf og annan nauðsynlegan aukakostnað við aðgerð ber að greiða dýralækni sérstaklega, enda nemi hann einhverju verulegu.
- c. Fyrir endurteknar aðgerðir á sama sjúklingi komi hálf gjald.

### III. KAFLI

#### Ferðir.

5. gr.

- A. Ef dýralæknir er sóttur út af heimili sínu, eða af því heimili, sem hann er staddur á, ber honum til viðbótar tilskildu ráðleggingargjaldi eða aðgerðargjaldi kr. 2.00.
- B. Fyrir ferð dýralæknis út úr kaupstöðum eða þorpum, sem hann situr í, eða tilsvarendi leið frá heimili hans, ef hann situr í sveit, ber honum tímakaup fyrir þann tíma, sem ferðin og viðdvölin í þágu viðkonnadi tekur og er gjaldið fyrir klukkustundina:
  1. Fyrir fyrstu 10 stundirnar kr. 2.00.
  2. Fyrir hinar næstu 5 kr. 1.50.
  3. Úr því kr. 0.75.

6. gr.

- a. Dýralækni ber ókeypis flutningur á ferðum hans, svo greiðum og svo beina leið frá og til heimilis hans, sem hægt er.
- b. Ef dýralæknir leggur sér til farkost sjálfur ber þeim, er hann ferðast fyrir, að endurgreiða honum þann kostnað, er hann hefur af farartækinu, eða ef hann á það sjálfur, samkvæmt ákvæðum landbúnaðarráðuneytisins.
- c. Á ferðum ber dýralækni að fá ókeypis fæði og gistingu eða greiðslu fyrir það, svo og annan útlagðan kostnað, t. d. símakostnað.

### IV. KAFLI

#### Opinberar ferðir.

7. gr.

Þegar dýralæknir ferðast í þágu hins opinbera, ber honum að fá greiddan fæðis- og ferðakostnað, samkvæmt reikningi, er landbúnaðarráðuneytið samþykkir.

### V. KAFLI

#### Kjötskoðun.

8. gr.

Fyrir að skoða og stimpla hvern skrokk:

- Sauðfé, geitur kr. 0.08.
- Naut, hross, svín kr. 2.00.
- Kálfar, grísir kr. 1.00.

- 114 20. sept. Þurfi dýralæknir að annast kjötskoðun fjarri heimili sínu, þer sláturhúsi því, er hann skoðar kjötið fyrir, að sjá honum fyrir greiðum farkosti eða greiða honum fyrir farkost, ef hann leggur hann til sjálfur.

## VI. KAFLI

## Vísitala.

Allar greiðslur samkvæmt framangreindri gjaldskrá greiðast með verðlagsvísitölu, eins og hún er ákveðin á hverjum tíma.

Gjaldskrá þessi öðlast gildi 1. nóvember 1948.

*Landbúnaðarráðuneytið, 20. september 1948.*

**Bjarni Ásgeirsson.**

*Árni G. Eylands.*

115

29. sept.

## REGLUGERÐ

## um niðurjöfnun og innheimtu vatnsskatts á Akranesi.

## 1. gr.

Af öllum húsum í lögsagnarumdæmi kaupstaðarins, sem standa við vegi eða opin svæði, þar sem vatnsæðar liggja, skal greiða árlegan vatnsskatt, 1% af fasteignamatsverði hússins.

Sama er og um önnur hús, er fá vatn úr vatnsveitu bæjarins.

Nú er hús, er greiða þer af vatnsskatt, ekki virt fasteignamatsvirðingu, og ákveður vatnsveitustjóri þá skattinn.

## 2. gr.

Auk vatnsskatts, samkvæmt 1. gr., skal greiða vatnsskatt fyrir hreyfivélar, gosbrunna, verksmiðjur, frystihús, baðhús, hvers konar þvottastöðvar, efnalaugar, veitingastaði, sláturhús, iðnaðarfyrirtæki og fyrir vatn til hvers konar slíkrar notkunar umfram venjulega heimilisnotkun.

Aukavatnsskattur, samkv. 1. mgr., skal vera 30 aurar fyrir hvern teningsmetra. Þar sem svo hagar til, sem í 1. mgr. segir, skal vatnsveitustjóri ákveða aukavatnsskattinn, eftir áætlaðri notkun og samkvæmt verðlagi í 2. mgr.

Nú sættir húseigandi eða vatnsnotandi sig ekki við ákvörðun vatnsveitustjóra, um aukavatnsskatt, og getur hann þá krafizt þess, að vatnsnotkun hans verði mæld um eins mánaðar skeið, eftir vali vatnsveitustjóra, og verður aukavatnsskattur þess árs þá ákvarðaður hlutfallslega við þá mælingu.

## 3. gr.

Verð á vatni, sem selt er til skipa á höfninni, skal vera kr. 5.00 fyrir hverja 1000 lítra.

Bæjarráð ákveður endurgjald fyrir vatnið frá hafnarsjóði til vatnsveitunnar, þó ekki undir 40 aurum fyrir hvern teningsmetra.

## 4. gr.

Nú er vatni úr vatnsveitu Akraness veitt í hús eða til hvers konar starfsemi utan lögsagnarumdæmisins, og skal þá ákveða vatnsskattinn samkv. því, er í reglugerð þessari segir.